



www.facebook.com/syrboyi.kz/

www.instagram.com/syrboyi\_kz

https://twitter.com/syrboyi

t.me/syrboyi\_kz

## ПРЕЗИДЕНТ



## «ТҮЙТКІЛДЕРДІ УАҚЫТЫЛЫ АНЫҚТАП, ДЕР КЕЗІНДЕ ШЕШУ КЕРЕК»

Президент Қасым-Жомарт Тоқаев Алматы қаласын дамыту мәселелері жөнінде кеңес өткізді.

Жиынды ашқан Мемлекет басшысы былтыр күзде Алматы жұртшылығымен кездесу барысында қаланы дамытудың басты бағыттары айқындалғанын атап өтіп, нәтижесінде Алматыны дамытудың 2030 жылға дейінгі бағдарламасы қабылданып, шаһардың 2040 жылға дейінгі Бас жоспары бекітілгенін айтты.

– Алдағы 20 жылда Алматы халқының саны 3 миллионға жуықтайды деген болжам бар. Болашақта қала ішіндегі бес аумақ орталық ретінде дамиды. Сонда орталықтағы қазіргі ахуал біршама жеңілдеп, барлық ауданға бірдей салмақ түседі. Соңғы 10 жылда қала өте жылдам әрі ретсіз өсті. Алматының аумағы екі еседен астам кеңейді. Бірақ инфрақұрылымның дамуы әр жерде әртүрлі болып отыр. Қалада тұрғындар саны орташа алғанда жыл сайын 70 мың адамға көбейіп келеді. Жұмысқа, сабаққа бару үшін іргелес елді мекендерден күн сайын 500 мың адам Алматыға келіп кетеді. Мұндай түйткілдерді уақытылы анықтап, дер кезінде шешіп отыру қажет, – деді Мемлекет басшысы.

Кеңес барысында қаланың коммуналдық, жол және әлеуметтік инфрақұрылымын дамыту, сондай-ақ білім, экология және медицина салаларында қордаланып қалған проблемаларды шешу жолдары талқыланды.

Президент Алматы қаласын дамытуға қатысты негізгі проблемаларды шешу үшін жүйелі шаралар қабылдау қажет екенін айтты. Таяуда «Ақкент» ықшам ауданындағы көпқабатты тұрғын үйде болған өртті мысалға келтіріп, өрт қауіпсіздігі саласындағы ахуалды сынға алды. Алматының экологиялық ахуалын жақсарту үшін қаладағы көлік қозғалысын реттеп, электромобильдерге арналған инфрақұрылымды дамыту қажет.

Қала әкімі Ерболат Досаев 2025 жылдың соңына дейін қаладағы қоғамдық көлік саласы толықтай экологиялық стандартқа көшірілетінін баяндады. Алматы қаласындағы инженерлік инфрақұрылымның жай-күйі де Президент назарынан тыс қалмады.

Сонымен қатар Президент тұрғындардың әлеуметтік жағдайын жақсартуға қатысты бірқатар проблемаға тоқталды. Бұдан бөлек, кеңес барысында Алматы экономикасын әртараптандыру мәселелері талқыланды. Қасым-Жомарт Тоқаев шағын және орта кәсіпкерліктің даму әлеуетіне оң

баға берді. Келтірілген мәліметтерге сәйкес 2022 жылдың өзінде Алматы мемлекеттік бюджетке төрт триллион теңгеден астам қаржы құйды. Қаладағы салық түсімдерінің басым бөлігі шағын және орта бизнестің төлемдеріне тиесілі.

Президент мегаполистегі бизнес-ахуалды жақсарту үшін жүйелі шаралар қабылдау жөнінде міндет жүктеді. Қасым-Жомарт Тоқаевтың пікірінше, жеке капиталды тарту, кәсіпкерлікті дамыту бағдарламасын күшейту, жаңа көлік-логистикалық орталықтарына қолдау көрсетудің тың шараларын қарастыру, креативті индустрия, туризм салаларын дамыту Алматы экономикасына тың серпін беруге тиіс.

Мемлекет басшысы сел тасқынынан қорғайтын «Аюсай» бөгетіне барды.

«Аюсай» бөгеті Үлкен Алматы өзенінің бассейнінде орналасқан. Оның жоғары жағында сел қаупі бар 98 учаске, 89 мұздық, 20 мореналық және мұзды көл бар. Бөгет сел жүру қаупін барынша азайтып, 500 мыңнан астам халық пен 2 мыңға жуық нысанның табиғат апатынан қорғалуын қамтамасыз етеді.

Еліміздің биік таулы аймақтарында 970 мореналық көл бар. Оның ішінде 156 көлде сел жүру қаупі жоғары. Төтенше жағдайлар министрі Сырым Шәріпханов биыл сел жүруі ықтимал 13 көлде апаттың алдын алу жұмыстары жүргізілгенін баяндады.

Қасым-Жомарт Тоқаев Алматы қаласына жасаған жұмыс сапары аясында Prometheus school білім беру ұйымын аралап көрді.

Президентке білім ордасының оқу кабинеттері, жаратылыстану зертханалары, мектепте сабақ оқытудың Dayn Go, Booky-Wooky авторлық әдістемелері, сондай-ақ оқу орнының жалпы инфрақұрылымы таныстырылды.

## ЕРТЕҢ – СПОРТ КҮНІ

## ЖЕҢІСТІ ЖОЛДАҒЫ ЖЕРЛЕСТЕР

Кеше, Спорт күні мерекесі Сыр елінде ерекше тойланды. Ең әуелі мереке аясында велошеру өтті. Велошеруге кез келген қала тұрғынына қатысуға мүмкіндік берілді. Тұрғындар велосипедпен сағат 16:30-да сол жағалаудағы «Болашақ» университеті ғимаратының алдына келіп, шеруге тіркелді. Мереге жеткен барша қатысушылар арасында лотерея ойнатылып, сыйлықтар табысталды.

Айдар САЙЛАУОВ,  
«Сыр бойы»

2-бет



## ДЕНСАУЛЫҚ

Облыста 25 фельдшерлік-акушерлік бекет бар. Оларда қандай медициналық көмек көрсетіледі, ауыл тұрғындары ауруды анықтау, дәрігердің кеңесін алу немесе қымбат ота жасау қажет болса, қайда барады? Аудандық аурухананың науқастарға сапалы көмек көрсетуге шамасы жете ме? Жалпы ауыл медицинасының әлеуеті қандай? Осы сұрақтар бойынша Шиелі ауданына арнайы барған едік.

## АУЫЛ МЕДИЦИНАСЫНЫҢ АХУАЛЫ

Айнұр БАТТАЛОВА,  
«Сыр бойы»

Мәселен, «Жиделіарық» ауылында мыңға жуық халық тұрады. Мұнда тұрғындарға медициналық көмек фельдшерлік-акушерлік бекетте көрсетіледі.

– ФАБ дәрігерге дейінгі алғашқы медициналық-санитарлық көмек көрсетеді. Қажет болған жағдайда «Еңбекші» ауылының дәрігерлік амбулаториясына жіберіледі. Жергілікті дәрігер тұрғындарды консультациялық-диагностикалық қызмет алуға, күндізгі және тәулік бойы стационарларда емделуге және т.б. медициналық қызметтерге жібереді. Ауылдың 118 тұрғыны диспансерлік есепте тұрады. Көбінесе жүрек-қан тамырлары ауруларымен, қант диабеті, бронхитпен ауырады, – дейді Жиделіарық ауылының фельдшері Дархан Сәрсенбаев.

Науқастың жағдайын бағалағаннан кейін, жергілікті дәрігер ем тағайындайды немесе аудандық ауруханаға жібереді. Шұғыл жағдайда науқас ауруханаға жеткізіледі. Мәселен, бас миы шайқалған «Жиделіарық» ауылының тұрғыны Анар аудандық ауруханаға түсті. 53 жастағы әйелге компьютерлік томография тағайындалды.

– Басым айналып, есімнен танып қалдым. Содан соң құсу басталды. Қазір денсаулығым жақсы, ем қабылдап жатырмын. Менде анемия бар, бірақ диспансерлік есепте тұрмаймын. Жұмыс істеймін. Енді медициналық тексеруден өтіп, әрі қарай емделемін, – дейді ол.

Айта кетейік, қазір ауыл тұрғындары КТ-ға түсу үшін бұрынғыдай облыс орталығына сабылмайды. Өйткені құрылғы аудандық ауруханада бар әрі қолжетімді.

2-бет



## НАРЫҚ

## ТӘТТІ ӨНІМНІҢ АЩЫ ШЫНДЫҒЫ Қант тапшылығы қайталануы мүмкін бе?

Былтыр «қанты бар үй – қазына» деген сөз хит болды. Себебі белгілі. Қант қат болған шақта құйма алтындай қымбаттап кеткен құмшекерге бәрі таласа бастады. Балға үймелеген арадай шекерге таласқандардың бейнежазбасы да «желіні жарды». Еліміз 30 жылдан астам уақыт бойы қант жөнінен импортқа тәуелділікті еңсерсе алмағаны рас. Салдарынан бұл ішкі нарықта үнемі тұрақсыздық тудыратын факторға айналды. Республика Ресейге өлі тәуелді. Биылғы бағам қалай құбылады? Қант нарығында нендей өзгеріс бар? Қант тапшылығы қайталанма ма? Соны бір сараптап көрдік.

Айдар САЙЛАУОВ,  
«Сыр бойы»

Өткен жазда бүкіл елді дүрліктірген қант мәселесінен кейін еліміздегі қызылша алқабының көлемі екі есеге – 10,2 мыңнан 19 мың гектарға дейін өскен екен. Қант саласын дамытудың 2022-2026 жылдарға арналған кешенді жоспарында отандық өніммен қамту көлемі небәрі 7 пайыз екені жазылған. Қалғаны – қайта өңдеуге арналған импорт шикізат пен дайын құмшекер.

Ауыл шаруашылығы министрлігінің жоспары бойынша жыл сайын алқапты кем дегенде 6,5 мың гектарға ұлғайту арқылы қант тапшылығынан біртіндеп құтылуға болады. Жылына осыныша гектар қосқанда 2026 жылы қызылша тұқымы егілетін аумақ 38 мың гектарға ұлғаяды. Бірақ бұл ретте қолденендеп тағы бір түйткіл шыға береді, ол – қант қызылшасын суармалы егістікте өсіру қажеттілігі. Құрғақ климатты Қазақстанда бұл едәуір қиындық тудырады. Алқаптың кеңеюіне су тапшылығы, суару желілерінің тозып кеткендігі және күрделі инфрақұрылымдық түйткілдер кедергі келтіріп тұр.

Жоспарда алдағы үш жылда елімізде ылғал үнемдейтін технологияларға арналған алаңдар кеңейтілетіні көрсетілген. Фермерлерді суармалы сумен қамтамасыз ету үшін билік жерасты суларының кен орындарын алдын ала барлау және суару желілерін қайта құру арқылы шығындармен жұмыс істемек.

Фермерлердің айтуынша, алқапты 38 мың гектарға жеткізіп, Қазақстанды қантпен қамтимыз деуге келмейді. Ол үшін алқап кемі 120-150 мың гектарға жетіп жығылуы керек екен. Қазақстан іскерлік кеңесінің басқарма төрағасы Қанат Әбілмәжжановтың сөзінше, оңтүстікте ондай ауқымды аумаққа тек қызылша егіп тастау мүмкін емес. Өйткені онда өтімділігі жоғары жеміс-жидек және бақша дақылдары көбірек егіледі.

2-бет



## СӨЗ БЕН ІС

## ОБЛЫС ӘКІМІНЕ АЛҒЫС АЙТТЫ

Бұған дейін облыс әкімі Нұрлыбек Нәлібаевтың қабылдауына келген қала тұрғыны көтерген мәселесінің тез арада шешім тапқанын айтып, ризашылығын білдірді. Еске салсақ, Хангельдин көшесінің тұрғыны Сұлу Ділмағамбетова 29 маусым күні қабылдауда болған еді.



– Біз тұйық көшеде 4-5 үй тұрамыз. Біршама уақыт бұрын Нұрлыбек Машбекұлының қабылдауына келіп, көше тұрғындарының атынан өтініш айттым. Көшемізге асфальт төсеп беруді сұрадым. Аймақ басшысы сол жерде менің мәселемді қарастыруды қала әкіміне тапсырды. Қала әкімі шілде айында жөндеуге уәде берді. Сол уәде бойынша көшемізге асфальт төселді. Бөрінен бұрын балаларымыз мәз! Бұрын, әсіресе, қарлы-жаңбырлы күндері көшеден өту мүмкін емес еді. Башыларымызға ризамыз. «Әкім бол, халқыңа жақын бол» деген осы, – дейді Сұлу Ибрашқызы.

## АУА РАЙЫ

+35°	+35°
СЕНБІ	ЖЕКСЕНБІ
+34°	+34°
ДҮЙСЕНБІ	









